

43940/P
C.II.K
R

545-16

Salutantum ab alto

DISSERTATIO INAUGURALIS MEDICA,
DE
**MOTUS CORPORIS
NOXIO USU,**

QUAM AUSPICE DEO PROPITIO
Auctoritate Gratiſſe Facult. Medicæ,
IN ALMA REGIA FRIDERICIANA
Præſide

DN. D. MICHAELE ALBERTI

Sacr. Maj. Reg. Boruss. Aul. & Consist. Magd. Consiliario

Med. & Philos. Nat. Prof. Publ. Ord.

Decano suo Spectatissimo,

Dn. Patrono, Præcept. ac Promot. suo honoris cultu prosequendo

PRO GRADU DOCTORIS

Hor. Loc. consuetis A. 1734. d. Mart.

Publicæ Eruditorum Ventilationi subijcietur

Respondens

AUG. CHRISTIAN. FRIDER. RICHTER,

Hallensium.

En! Flores, Mineras, Animantia dat Medicina.

In TRIADIS laudem, suppetias hominum.

Hallæ Magdeburg: typis Joh: Christ: Hendelii
Acad: Typograph:

J. C. Syſſang. Acad. Calcograph. sculpsit.

[1734]





PROOEMIUM.



S I vera est fabula, quod
 (Juxta PARMENIDEM, MELISSUM
 & ZENONEM, referente ARI-
 STOTELE *Lib. I. Phys. c. 3. text. 24.*
 & *Lib. 6. c. 9. 14. text. 15.* ut &
 juxta PLATONEM in dialogo de
ente, nec non DIODORUM re-
 censentibus GASSENDO in *animadv. in Lib. X. Diog. La-*
ertii p. 143. P. LANA *Tom. I. Fr. 2. p. 67. conf. Comment.*
Conimbr. in phys. Aristot. L. 3. c. 2. qu. 1. art. 1. p. 452.) Mo-
 tus non entibus annumerandus sit, proinde etiam
 non entium nulla prædicata sunt, inde etiam sequi-
 tur, quod de Motu corporis voluntario passim decla-
 matae utilitates, non entibus accenseri mereantur:
 non quidem institutum nostrum est, in motus, es-
 sentiam, formam, originem &c. penitius & subtilius
 introspiciendi, nec operosum laborem impendendi

imaginabiliter de motu differendi, quemadmodum
 ALPHONS. BORELLUS *de vi percussionis* c. 2. difficulta-
 tem & impossibilitatem explicandi satis imaginabi-
 liter naturam & originem motus, miratus est; id
 tamen hoc loco annotare lubet, quod SENNERTUS
in Epitome Physica Lib. I. c. 9. mox ab initio docet: in-
 signis corporis naturalis affectio motus est, ex cujus noti-
 tia in plurimarum & abstrusarum in tota natura rerum
 cognitionem pervenimus & cujus ductu tota pene, quæ de
 rebus naturalibus est scientia inventa & constituta est: an
 vero motus sit, disquirere velle hominis contentiosi & pro-
 tervi esse videtur: cum is omnibus sensibus percipiatur:
 Quare recte factum a Diogene, qui auditis rationibus Ze-
 nonis, quibus motum non esse conatus est, eas responsione
 dignas non judicavit, sed solum surrexit & ambulavit, in-
 nuens: in rebus quæ sensibus percipiuntur, sensibus esse
 credendum: quod & ipsum Aristoteles approbat in *L. 8. phys.*
c. 3. t. 32. dicere omnia quiescere, & hujus rationem quæ-
 rere, omisso sensu, est infirmitas intellectus: cui anno-
 tationi addimus analogam relationem GASSENDI *l. c.*
 Herophilus dicit Medicus Diodoro luxatum humerum, ut
 sibi restitueret petenti, argute illudit, bono animo esto, in-
 quiens, nam humerus aut emotus fuit, quo in loco erat,
 aut in quo loco non erat: at neque in quo erat, nec in
 quo non erat, igitur emotus non fuit, quo scilicet sophis-
 mate Diodorus adversus motum asserentes, uti solebat.
 Motu itaque omnia fiunt, generantur, immutan-
 tur, destruuntur aut corrumpuntur; motu aliqua
 depravantur, alia emendantur, ita ut indies contra-
 rii effectus, a motu provenientes, observentur, ea
 pro-

propter STURMIUS in *Phys. Hypothet. Tom. I. p. 504. 508.* ait: *Et si motus omnium fere levissima res videri possit, in se tamen mirandus est: inde concludit VALENTINI in Armamentario Naturæ Systematico c. 4. de Motu. §. I. Motum qui negat, non verbis, sed verberibus coercendus; talis enim ipse motus est: Et quamvis in subtiliores motus qualitates scrutari hoc loco haud nobis arrideat, attamen illud indicare consultum ducimus, quod in œconomia animali eadem motus species vitæ & sanitati noxam conciliet, quæ iisdem vicissim utilis existit, & quidem quando & dum ille motus non in statu præternaturali, sed naturali, ordinario & temperato consistit: imo quod magis est, quod talis motus illo etiam tempore noxius existat, quo etiam utilis est; quod maxime adversatur canon, quod contraria in uno subjecto & uno tempore simul stare haud possint: quem canonem tamen varia actionum & motuum specimina enervant: ita enim v. g. temperatissimus licet motus sanguinis progressivus eximiis laudibus celebratur commendaturque, quales etiam in œconomia vitali actu possidet, at illo tempore atque successu, quo utilitates tales conciliat, lymphæ temperatæ ac laudabili, serum falsum & sulphureum affricat, immiscet & adhærescere facit, proinde varias impuritates per universum corpus disseminat, aut plane maligna & virulenta miasmata extrinsecus corpori per morsus & ictus venenosos illata, ad interiora, nobiliora, teneriora & sensibilia viscera transfert adeoque universo corpori communicat; præterea*

temperatas & laudabiles sanguinis & lymphæ particulas resolvit, destruit & in perniciosum serum convertit, ut nihil dicamus de illa hujus motus efficacia, qua continua ac indefinente allisione, attritione & affrictione fluidarum partium ad solidas, hisce successive aliquid absterfione quapiam decedat, unde nonnulli crediderunt & sibi persuaferunt, quod solidum & consistens corporis systema post aliquam temporis moram consumatur, ac nova successiva appositione, novum corpus regeneretur, quam assertionem exemplo quodam illustrare & confirmare nituntur, quando machinæ quædam aut æneæ aut ligneæ cum suis rotis, dentibus, veruculis, cylindris, crepitaculis pistrinariis, malleolis, elateribus, &c. sub perpetua commotione alterantur & consumuntur, ut nulla arcta, firma & exacta cohæsione atque nexu amplius gaudeant, adeoque nova restitutione & reparatione indigeant, was wandelbar und aus und abgelauffen ist: nec tamen omnimode hæc assertio fallax est, dum advertimus quod homines valde operosi & strenuis laboribus dediti, magis gracilescant, extenuentur & quandantenus aliis inserviando consumantur, analogo exemplo alaudarum macilentarum, quæ diurnis captantur horis: quo spectat exemplum febricitantium & vel acuta continua vel chronica lenta & hectica febre decumbentium ægrorum, qui sub motus progressivi augmento cito & eminenter contabescunt ac gracilescunt &c. quibus speciminibus facile illucescit, quod idem motus eodem tempore
dum

dum salutaris existit, etiam nocivus evadat: & quando ad illum canonem retrospicimus, quem modo allegavimus, dum lucta carnis & spiritus, nolle & velle uno temporis momento contingere potest & solet, *video meliora proboque deteriora sequor*: huc ducimus assertum B. SPENERI ex Theol. Bedend. I. Th. p. 150. ein Mensch kan etwas wissen und nicht wissen v. g. im Schlaf: quod itaque motus operoso ac assiduo, licet non excessive studio exercitus, multa damna complectatur & pedissequa comprehendat, variis momentis & exemplis demonstrari & probari posset: ea propter non raro ab hominibus præmature senescentibus & langvescentibus excusationem & causam illam percipimus, quod in prægressis ætatibus multum laboraverint, corpus motu exercitaverint &c. ob id ARISTOTELES *Lib. de long. vita* eloquitur: *labor exsiccat & senium inducit, unde multum laborantes senescunt magis* & STOBÆUS in *sermone de dominis & servis quid frugis & utilitatis conquiritis laboriosi homines! multi quiete plus acquirunt, quam anxio motu*: possumus iusta interpretatione etiam ad naturalia officia & requisita applicare, quod *Psalmo 127. v. 2.* extat: *frustra & summo mane surgitis & tarde residetis, victu vescentes laboriosæ, adeo ille dilectis suis somnum conciliat*: Et quoniam conservatio vicissim etiam destructio rerum motu perficitur, ita congruum illius moderamen requiritur, si conservatio promovenda & destructio avertenda est: in eo etiam non raro peccatur, dum partim consiliatores, partim imitatores perverse circa Motus usum procedunt,

cedunt, indeque noxam atque damnum potius acquirunt, quippe quæ observatio & meditatio in Physico & Medico foro amplissimum campum circumspiciendi & ventilandi invenit: ne vero extra sphaeram progrediamur, præsentī Inaugurali themate & argumento MOTUS CORPORIS NOXIIUM USUM succincta explicatione demonstrare, & in opposito sensu salutarem illius effectum implicitè significare & approbare volumus: Cui conatui ut divina benedictio cœlitus annuat, humillime precamur.

§. I.

Motus Corporis noxium usum indicantes, antea significamus, quod per hunc Motum sensu *communi* ac quasi populari intelligamus *voluntariam* corporis per varias actiones, operationes, diversos labores, officia nonnulla, exercitationem, sive *necessitatis* causa, sive *delectationis* ratione, sive *sanitatis* scopo institutam &c. unde varias commotiones tam *universi* systematis corporis, quam variarum *regionum & membrorum*, *arbitrario* & *voluntario animæ imperio* subditorum, *generatim* quidem hac notatione intellectas volumus, quas vero singulas, pro *ætatis*, *sexus*, conditionis aliarumque circumstantiarum ratione discrepantes, hoc concinno labore haud percurrere placet, ast talia animadversionum fundamenta proponemus, quæ *ampliores* applicationem permittunt: neque propterea *absoluta* & universalis defendenda erit assertio, ac si *Motus ille corporis per se & promiscue* noxius

xius existat, dum *incongruus* rerum humanarum usus, aut *abusus* constanter a *vero*, justo & convenienti usu discernendus est: unde quidem Motus corporis ac *laborum utilitatem*, salubritatem & necessitatem sub congrua & ordinata applicatione & exercitatione firmam, certam ac indubiam relinquimus: at inconsultum, *incongruum* indecentem, perversum, irregularem ac alienum usum illius Motus significabimus, qui ob has *sinistras* qualitates *noxius* & insalubris est: Qualis *incongruus* motus non modo ab hominibus regularum sanitatis humanæ conservandæ *in scitis* & imperitis indies cum magno vitæ & sanitatis *dispendio* & præiudicio exercetur, unde accusationes & declamationes illæ innotuere *Diese oder jene motion war zu stark oder inconvenabel*, sed & ipsi *medici* interdum motum illum *incongrue* ordinant, aut homines eundem *perversè* admistrant, adeoque *medicum* consilium *sinistre* applicant & male exequentur, ut ea propter multiplex noxa ejusmodi motui adscribenda sit: huc itaque quadrat effatum ARISTOTELIS *Lib. VI. Ethic. c. 1.* *Non plus minusve laboris & quietis, quam sæ sit suscipiendum, verum modus in iis tenendus, quem recta ratio præscripsit*: Quam multa propterea commoda a congruo Motus corporis exercitio proveniunt, tam multa vicissim damna a *promiscua* illius exercitatione oriuntur, ut propterea reprehendendi æque illi veniant consiliatores medici, qui in plurimis morbis aut rectius morboſis afflictionibus, quando subjecta aliquali orthostadia adhuc gaudent, illud *Plautinum ambula* aut move corpus acclamant, ac alii qui in casibus arduis ægros ad aquam frigidam, aut mineralem, aut Lactis usum plenis buc-

cis allegant; cum non desint *multa* & ad firmam conclusionem formandam sufficientia exempla, quod ille Motus æque infelices & *sinistros* produxerit effectus: & quemadmodum juxta BERNHARDI effatum *sermone de pœnit. multi laborem & dolorem sustinent, quem tamen Deus non considerat*, ita multi laboriosum & operosum motum corporis suscipiunt, quem nec *ratio*, nec *observatio* Medicorum probat: Quare non modo ad *præservandos* imminentes morbos, sed etiam ad *minuendos*, mitigandos, *intercipiendos* & *abrumpendos* initiantes morbos *abstinentia a Motu* variis in casibus proficit: imo quemadmodum *diuturnus* decubitus, aut crebra *desidia compresso* cum *thorace & abdomine* & inclinante capite servata, nec non *operosior* corporis commotio *vitæ & sanitati*, aliquoties eximia afferunt *detrimenta* & præjudicia, ita *medium* quasi inter quietem & motum servare necessitas & occasio suadet: Quando vero de *abstinentia a motu* corporis exercitio paucis differere cogitamus, haud *nimiam* quietem ac *otiosam* vitam commendamus, sed potius *discretum* illius motus usum probamus; quo illud GALENI pertinet *Lib. II. meth. c. 2. nihil & quod tam magnifice profit, quod aliqua ex parte non noceat*: unde cum *Ecclesiaste* eloquimur *cap. III. cuique sua est tempestas & tempus cuique voluntati sub cælis - - tempus plantandi & extirpandi, rumpendi & ædificandi, projiciendi & congerendi lapides*: ita etiam motus exercitium, si utile esse debet, *suum* habet *tempus & gradum*, suamque *opportunitatem*, qui respectus si negliguntur & incongrue applicantur, *eminentem noxam* exequentur.

§. II.

In laudibus motus corporis recensendis PECHLINUS *Lib. 3. obs. 34. p. 500.* inter alia hoc effatum profert: *nulla corpora morbis minus obnoxia injuriisque tolerandis magis idonea reperias, quam illorum, qui inde a prima ætate motu palæstrico, gladiatorio aut alia vehementia firmitatem sibi contraxere viriumque robur, quod cum in sevam extendant, usque eo etiam immunitatem a morbis incommodisque facile sibi procurant: neque congruo motui corporis elogia sunt deroganda: interdum vero motus corporis noxam satis manifestam exserunt, ita ut quies præferenda veniat: hinc RIEDLINUS *Lin. Med An. V. Mens. August. obs. 3. sub tit. Quies a laboribus consuetis interdum remediis præstat: p. 789.* differit: *si vires diutius protrahantur, paulatim tantæ iisdem struuntur insidiæ, ut jam & damna inde illata quisquam persentire incipiat, quibus utut remedia quædam opponantur, nisi tamen & quies in subsidium vocetur, frustra plerumque laboratur, hincque novum non est, quod nonnulli negotiorum mole quasi oppressi ante tempus fati cedant, quantum contra quibusdam quies profuerit, ex sequentibus leges &c. & porro p. 791. & sanetam acidulas quam thermas pluribus non tam viribus suis, quibus egregiis pollent, profuisse, quam quod simul illi, qui usi fuerunt, a laboribus gravissimis aliquamdiu sic respirarunt, ego quidem nullus dubito &c. quo spectat quod PECHLINUS *l. c. obs. 35. p. 506.* de nephriticis ait: imo scio etiam quibus leviores quique motus & vehicularis ille, noxam pariunt & statim atque concuti incipiunt dolores exsurgunt ardoresque Renum, qui in sabulum tandem urinasque cruentas & ru-**

*bicundissimas exeant hominemque pessime afficiant: nec nostræ assertioni repugnant testimonia Syracidis cap. 31. v. 24. audi mi fili, neve me sperne, & tandem mea dicta invenies. v. 25. in omnibus tuis negotiis esto strenuus, & tibi nullus morbus accidet & SENECAE Ep. 31. Generosos animos labor nutrit; laborem si recuses parum esse potes: non est viri timere sudorem: ast sicut juxta eundem Senecam edendum est ut vivas, non vivendum ut edas, ita non vivendum est ut labores, sed laborandum est ut vivas: quare secundum LIVIUM Lib. 22. Medici plus interdum quiete, quam movendo proficiunt: addo STOBÆI effatum sermon. de dominis & servis: remissiones & ab exantlatis laboribus quies ad novos labores homines præparant & LAERTII dictærium Lib. I. c. 4. Nihil est, quod assiduum laborem perferre possit, quare dantur casus, occasiones & tempora, ubi consultius est observare abstinentiam a motu & evitare noxam inde provenientem & metuen- dam: quid quod sub *justa* interpretatione vera est asser- tio & declaratio Hippocratis Sect. IV. aph. 14. quod motus (in certis casibus) corpora turbet: conf. Lib. de usu Ve- ratri text. 3. addimus assertum aliud in Lib. de ulceribus §. 2. text. 1-3. stare autem ulceri minime conducit, præsi- si quis in crure ulcus habeat, imo neque sedere, neque am- bulare: Verum otium & quies maxime conferunt: porro Hipp. in Coac. Prænot. text. 82. per κίνησις absurdam in- superque noxiam corporis motionem taxat: Quando etiam GALENUS in Lib. VI. Hipp. de Morb. popul. com. III. ad verb. Hipp. detractio cursibus, luctationibus, quie- re multis obambulationibus &c. commentatur, tunc quo- ad vocem quietis ita differit: obscuri namque, sermones scien-*

scientificam explanationem non admittunt: nunc itaque statim hac voce deinceps scripta, QUIETE, aperte cognoscere non licet, quid per ipsam Hipocrates significare voluerit, sed quemadmodum in aliis obscuris locutionibus ita & in ista per conjecturas agere opus est: ut hoc isti, illud alii verisimilius videatur, quemadmodum & visum est, & alius aliter quietem interpretatur: potest enim & de cessationibus, quæ exercitationibus interponuntur dicta esse, sicut in aphorismis dixit: cum inceperit lassari, quietem agere, statim lassitudinem tollit, potest etiam & de cessationibus per integros dies futuris intelligi, potest autem & integram quietem aliquibus corporibus consulere: nam si ipse ita dixit: motus roborat, otium tabefacit, posset sane & otiosa vita corpus attenuare: ita enim quibusdam ab exercitationibus ad otium traductis evenire conspeximus: sed certas condiciones statuere opus est, qui nam sint, qui istis extenuandi causa indigeant &c. Hac glossa Galenus in certis casibus, respectibus & circumstantiis abstinentioniam a motu approbat: nec absolute improbandum est SENECAE effatum Ep. 15. ad Lucil. stultum est, ipse ait, mi Lucili, & minime conveniens litterato viro, occupatio exercendi lacertos & dilatandi cervicem ac latera firmandi: & licet OVIDIUS adstruat: Cernis ut ignavum corrumpant otia corpus? ut cupiant vitium, ni moveantur aquæ; attamen satis vere etiam Poeta canit: otia corpus alunt; animus quoque pascitur illis; immodicus contra carpit utrumque labor: hanc animadversionem illustrat & confirmat PAULI ZACCHIAE libellus de Quiete servanda in curandis morbis, qui p. 6. edisserit, multis ad sanitatem tuendam, salvandam, servandam & repa-

randam motus corporis, non paucis etiam quies confert, quibus posterioribus motus magis calamitosus est: unde GALENVS in comment. aph. 14. Sect. 4. profitetur, quod quies corpora servet, motio vero mutet & alteret, & HIPPOCRATES Sect. 2. aph. 48. quo modo exercitia exsiccare solent, eo etiam quies corporum servat humiditatem: quibus testimoniis probare volui, quod varii medici incongruum & noxium Motus corporis usum, vicissim vero quietis præminentem utilitatem in variis vicissitudinibus annotaverint.

§. III.

Nunc indicandum erit, quod per *Motum corporis* hoc themate non intelligamus *vehemens, simultaneum, nimium, excessivum & impetuosum* illius exercitium, quod ab omnibus etiam medicarum rerum plane ignaris pro *pernicioso* declarandum erit, nec etiam *continuum & nimis diuturnum* talem motum hoc loco intellectum habere volumus, quoniam humanæ vires *circumscriptos* suos habent limites, quapropter *durabile* haud est, quod alterna requie caret: multo minus de illo motu nobis *principali* respectu sermo est, quo quidam homines jam *proxime* imminentes morbos *coacti* quasi nisu *avertere*, contendunt, wann sie die Krankheiten mit Macht übergehen, und sich nicht legen und bequemen wollen, eapropter *utpl.* totum morbi statum *deteriorem & graviolem* reddunt; quo loco illa practica quæstio pertinet, an *Apoplecticis*, jam ipso affectu correptis, *motus* conveniat, videlicet *modicæ agitationis, concussionis, gestationis &c.* quod consilium HOLLERIUS *Lib. I. c. 7.* MONTANUS *Lectio. in 9. Rhasis*, FORESTUS *Lib. X. obs. 75. schol.* SENNER-

TUS *Lib. I. Prax. Part. II. c. 32.* WEPFERUS *de Apoplexia. p. n. 210. 214. 215.* allegant & HOECHSTETTERUS *decad. 9. cas. 5. in schol. p. 331.* dicit: *Motio itaque corporis in apoplexia non est fomidanda medico, habet auctoritates, habet rationes: conf. SCHNEIDERUS de nova gravissimorum trium morborum curatione Lib. de Apoplexia cap. 22. p. 804. sequ.* BALLONIUS *Epidem. p. 7.* non defunt tamen alii qui eundem motum in Apoplexia improbant; vid. SCHNEIDERUS, WEPFERUS, FORESTUS, NYMANNUS, &c. nec etiam illum motum hoc loco pressius notamus, quem *sani* etiam homines *nimia virium* intensione per *longiorem vitæ* suæ tractum continuant, ut *præmature* enerventur & causam hujus *accelerati defectus* & languoris, præcedentes nimios labores accusent, sie hätten viel fatiquen ausgestanden, und sichs in jüngern Jahren Blut sauer werden lassen; nec *primario* scopo illum motum hoc titulo advertimus, quando *sani* homines *ultra virium* suarum *gradum*, capacitatem & modulum, *multas* actiones auctiori & fortiori robore cogunt, indeque facile succumbunt, velut in assimilatione quidam provocant auf die par force Pferde: hinc GALENUS *lib. de consuet. eloquitur: ipsis exercitationibus, sicut & cibo & potui, vigiliisque mensura congrua adhibenda est, quæ rem ipsam, neque ultra, quam par sit, protrahat, neque etiam de illa adimat: quia excessus dissolvunt vires, defectus vero tantum de utilitate detrahunt, quantum ipsi a recta mensura deficiunt: facultates itaque nostræ robur sibi comparant, si moderatis congruentibusque exercitiis foveantur: proinde nec illum motum corporis hoc ordine præcipuo studio annotamus,*
quem

quem nonnulli homines cum insigni *animi fastidio* ac *morosa* repugnantia quasi *coacte* exercent, cum potius motus exercitium prono ac *propenso* excitatoque animo atque nutu administrari debeat, ut ex illius usu *animi* æque ac *corporis* refectio & sublevatio obtineatur; quare GALENVS iterum *lib. de exerc. parv. sphaer.* differit: *Illæ mihi sane videntur utilissimæ omnium exercitationum, quæ non solum corpus exercere, verum etiam animum oblectare possunt*: quemadmodum juxta SENE-
CÆ effatum in *Ep. 15. modico labore animus alitur, strenuo* vicissim ac *immodico* juxta STOBÆUM de *dominis & servis animus & corpus corrumpuntur*: Et dum nonnullos noxios hujus motus corporis effectus annotare cogitamus, haud *promiscue sedentariam* vitam commendamus, nec *absolutam* quietem in vivo homine agnoscimus, sed cum PECHLINO *lib. 3. obs. 36. p. 507. 508.* judicamus, *sive enim quis stet aut sedeat, etiam in illa membrorum ad oculum quiete, & tamen fibrarum muscularium, quædam quasi contractio; nunc enim in stationis rectitudine perpendiculari toni aut æquilibris tensionis, nunc in sessionis angulo brachiorumque & capitis in perpendicularo recessu, qui studiosorum mos est, antagonistarum quidam est labor*: Adeo sine causa, *vita, quam vocant sedentaria a nonnullis velut otiosa ac inepta traduci solet; namque ut moveri membra in sessione non videantur, tamen qui motus est tonicus* (NB. audi Pechlinum mechanicum, qui motum tonicum non odio, invidia & malevolo livore prosequitur) *aut in unam partem angulumque sine alternatione determinatus, omnium difficillimus est, corpusque non parum fatigat*: recte itaque

MERCURIALIS in *Lib. de arte Gymnastica Lib. IV. c. 9. p. 274.* dixit: *moderati omnes motus quibusvis fere aptantur; & quod CASP. HOFMANNUS in vita medica Galeni Lib. V. c. 3. §. 20. profitetur: supponatur corpus e censu illorum, quæ adhuc crescunt, - - - oportet autem præesse illiquendam, qui definiat bene proportionatum motum: nihilominus Labori & Motui corporis sua laus manet, quod nervose, pro suo more, testatur B. LUTHERUS Tom. III. Wittenb. & IV. Jenens. in der Ausleg. über die 15. Lieder in höhern Chor. Ps. 127. v. 2. Edit. Lips. P. V. p. 535. 536.* Das Lob der Arbeit sollte man auf alle Werkzeuge, auf die Stirn, auf die Nase, so für Arbeit schwitzen, schreiben: denn die Welt hält die Arbeit für keinen Segen, darum fliehet sie sie und hasset sie = = = Die rechten Christen und die so Gott fürchten, arbeiten mit einem leichtsinnigen und fröhlichen Herzen, denn sie erkennen Gottes Gebot und Willen: da siehet ein frommer Christlicher Bauer an seinem Wagen und Pflug, ein Schuster an seinem Leder und Ahle, ein Schmid und Zimmermann an Holz und Eisen geschrieben diesen Vers: Wohl dir du hast es gut. & in der Kirchen-Postill. Edit. Lips. 1710. Dom. V. Trinit. Evangel. p. 809. a. Wilt du recht Christlich leben, so laß deinen Gott sorgen, wie die Fische ins Netz kommen, und gehe du hin und nimm einen Stand an, daß du arbeitest: Wir wollen aber alle solche Stände führen, daß wir nicht arbeiten dürfen, das ist jeder Teuffel, und darum sind wir Mönche und Pfaffen worden, alleine daß wir jünckerisch lebten und nicht dürfen arbeiten: & porro: So sagen sie denn, wenn man vom Glauben sagt, und wie man auf Gott vertrauen soll, und ihn sorgen lassen: ich muß lange glauben,

C

ben,

ben, daß mir eine gebratene Taube ins Maul fliege, so ich nicht arbeite: ja es ist wahr, du mußt arbeiten, denn arbeiten ist dir geboten, aber laß deinen Gott sorgen: gläube und arbeite, so wird dir nicht allein eine Taube, sondern auch wohl eine gebratene Gans ins Maul fliegen.

§. IV.

Ordo tractationis nunc excipit, ut *specialiori* animadversione demonstrem, quod, ubi & quando motus corporis *noxam* aliquam *vitæ* & *sanitati* afferat: ante omnia significandum erit, quod *non pauci* homines sub *sedatiori* & *quietiori* vitæ genere, vel in statu *libertatis*, vel in *custodia* ad *seram* senectutem pervenerint, de quibus aliqui judicant, sie sinds nicht anders gewohnt gewesen; ubi quidem non negandum est, quod tales homines sub *mobiliiori* vita, *magis* integra, firma & constanti sanitate frui potuerint: attamen tranquillior & *quietior* vita *longævitatem* non turbavit, nec impedivit: ob id *plus quieti*, quam motui indulgere debent, homines a *nativitate* & per *consuetam educationem* quieti magis addicti, ut & a *teneris*, ab *hæreditate* & *stemmatis* qualitate, magis debiles & infirmi, qui ex applicatione ad *intensiores* motuum exercitationes non roborantur, sed *imbecilliores* magisque *valetudinarii* redduntur, qui exclamant: sie müßten sich mäßig und vorsichtig bewegen, sonst erregten sie sich leicht etwas: *hisce* subiectis itaque *motus* corporis *citius* officit, quam proficit: Deinde non pauci occurrunt, aut *eminenter Sanguinei*, aut *Sanguineo-choleric*i, qui valde *provide* motum corporis exercere debent, ni subtilior ac in *suspectam ebullitionem* aut *phlogosin* perquam pronus sanguis multis *molestis* sensationibus aut *ominosis* consecutionibus ansam præbeat; qua-

quare tales homines a paululum *auctiori* motu varia *sanita-*
is incommoda experiuntur, eaque propter *magis parce &*
mediocriter, quam *operose* corpus movere debent: nec
 defunt exempla *talium* subjectorum, quæ ex paulo *auctiori*
 hoc motu, (ut de *excessu* illius, nulla faciamus verba) ver-
 tigines, cephalalgias, angustiam, palpitationem cordis,
 molestam oppletionem peripheriæ corporis, ardorem in
 capite, ventriculo & vesica urinaria, efflorescentias serpi-
 ginosas & varosas faciei & superficiæ corporis, tubercula
 ardentia & pruriginosa in cute, volaticam, erysipelaceam
 transitoriam & fugitivam afflictionem sibi accersunt: Præ-
 terea *alia* passim occurrunt subjecta, quæ ab exercitio mo-
 tus paulo faciliori & intensiori molestas, ominosas, immo-
 dicas valdeque enervantes sibi excitant *sudationes*, ut ea-
 propter *quieti* magis, aut *valde temperato* usui motus cor-
 poris indulgere teneantur: quare alii mirantur, cur qui-
 dam homines ad *sudandum* adeo propensi existant, dum
 nec *immodicus labor* & motus corporis, nec *externus æ-*
stus tempestatis ac loci accusari potest: nec etiam *semper*
 valde *laxus* corporis habitus culpandus venit, quamvis
 sanguinei & phlegmatici aliàs ad sudationes admodum
 proni existant; dantur tamen etiam *sanguineo melancholi-*
ci, *sanguineo-cholerici*, qui a *levi* motu corporis facile *exi-*
mie exæstuantur & ad *nimum sudorem* disponuntur: qui-
 bus itaque *animi ac corporis temperies & congrua quies* or-
 dinanda & commendanda est, quoniam in iisdem subje-
 ctis non modo *lympa*, sed & *universa* massa humorum co-
 piosis ita dictis *elasticis*, aut ad *orgasum* assumendum,
 communicandum & augendum valde proclivibus materiis
 prædita est; quare sub *temperatissimo* motus corporis ex-

ercitio *æqualis*, temperata & placita, nec non constans minusque *insigniter* interrupta transpiratio talium subtilissimarum *ætherearum*, *sulphurearum* & *salinarum* substantiarum adjuvanda & conservanda erit: Accedunt adhuc *connexarum* aliarum qualitatuum homines, quibus motus corporis facile noxam affert & tales sunt non pauci *Pletborici*, qui unâ sanguinem *laxæ*, lubricæ & *subtilis* consistentiæ possident; hisce motus *paulo excitatior* & ubi vires aliquo cum *valore* impendendæ sunt, facile *magnas turbas* & molestias in universo corpore excitat, ut citius ad *quietem* se componere & denuo quasi defervescente teneantur: etenim tales homines præceps exæstuatio & inturgescentia sanguinis, nec non oppletio capitis, pectoris, hypochondriorum & totius peripheriæ corporis, nec non *conjuncta* multiplex alia afflictio angit, ut *remissius* ac sedatius motu uti cogantur, qui eapropter conqueruntur, ihr Blut fâ-me gleich ins Wallen, und müßten deswegen sich in-und stille halten &c.

§. V.

Præter *generales* hæc observationes & animadversiones motus corporis facile *offensam* conciliat, hominibus *Hæmorrhagiis* liberalioribus, crebrioribus, *largioribus* & *anomalis* obnoxiiis: siquidem vel ipsi pueruli ex *agiliori* commotione, aut modica cursitatione *frequentiores* sæpe narium hæmorrhagias; viri *hæmorrhoidarii*, ex modica corporis *exæstuatione* largiorem indeque magis molestum & suspectum, quam commodum & salubrem Hæmorrhoidum fluxum experiuntur, præcipue si cæteroquin inquieti, præcipitis & *immoderati animi*, nec non *diætæ spiritalis* addicti, fuerint, quibus eapropter *sedatius* & tranquill-

quillius vitæ genus ordinandum est, quod ipsorum sanitati plus confert: hinc subjecta talibus Hæmorrhagiis prædita, a mobili vitæ genere varias ataxias ac *perversas* sibi accersunt qualitates, quæ *salubrem* illarum efficaciam turbant & intercipiunt; cujus observationis *varia*, si locus & occasio permetteret, *exempla & testimonia* proferre possemus: haud vero nobis adhuc hoc loco de illis sermo est, hominibus, qui nunc in *exquisite valetudinario* statu, ob Hæmorrhagias in *excessus* pronas, comprehensi sunt; de quibus forte inferius adhuc aliqualis mentio injicienda erit: Proinde dantur homines, qui nondum *exacte* & eminenter valetudinarii nominandi sunt, qui tamen a motu corporis paulo excitatori mox *transitoriam angustiam* spirandi, imo *palpitationem* cordis molestant experiuntur, ut ea propter teneantur ab eodem motu desistere & aliqualem continentiam ac *requiem* seligere; quale quid *pletboricis* subjectis haud infrequens existit: hujus conditionis personæ si nihilominus hanc adversam qualitatem *adsuetudine* motus aut coacta motus exercitatione superare & emendare contendunt, facilius & citius sibi exquisitè adversam valetudinem & *graviores* morbosas afflictiones convocant: præterea alii homines, qui *concretionem pulmonum* cum *pleura* aut a *teneris*, vel ipso adhuc *partu* & *incunabulis* *distorsione*, dislocatione, aut *subluxatione* costarum, vertebrarum laborant, quamvis nullo *singulari morbo* statu oppressi sint, a mediocri etiam motu corporis sensibiles & ominosas *pectoris* molestias, videlicet dyspnœam, angustiam, cordis oppressionem, operosum pulsum &c. subeunt, ut iterum cogantur aliquam tranquillitatem corporis acquirere & seligere: Deinde homines

capite majori, collo breviori, pectore angustiori instructi facile a motu corporis capitis dolores, temulentiam, nimiam cum sanguine oppletionem, difficilem & angustam respirationem aliaque connexa capitis, colli & pectoris morbose & molesta pathemata acquirunt, ut citius a tali motu abstrahere debeant: quibus subjectis exilia sunt vasa sanguifera, illa crebrior & vegetior motus corporis ad varias molestias excitandas aptus est, dum sub hoc motu sanguis intensius commovetur, largius, fortius & plenius ad & per illa vasa progreditur, adeoque molestas oppletiones, distensiones, imo plane operosas progressiones & stagnationes causatur: nec desunt exempla puerorum tenerorum ac sensibilibus, qui sub mediocri corporis commotione confestim in eximium æstum ac conjunctum sudorem delabuntur, indeque facile in consequentes morbosas calamitates conjiciuntur, quando cum potus ingestione & refrigeratione modum servare nesciunt, ut ea propter volatilia talia juniora subjecta in exquisito motus moderamine ac temperie dirigenda sint: præcipue etiam quoad moderatum hujus motus directorium fæminæ curatius advertendæ sunt & quidem sensibiliores animo, præcipientes moribus & affectibus & flexiles ac instabiles reliquis motibus corporis œconomiam concernentibus, quas perinde facile paulo agilior commotio valde alterare & offendere potest & solet, ut a sanitatis integritate deflectant, propterea minus æquali applicatione & proportionem motibus, paulo plus vero tranquilliori & quietiori vitæ generi operam dare debeant: quæ regula sicut de sanis fæminis valet, ita tanto magis ad valetudinarias referenda erit: tandem illorum adhuc mentio injicienda est hominum, qui sedatiori vitæ
fine

sine singulari sanitatis damno *adsueti* sunt, ad minimum *alia specie* commotionis, videlicet *sermocinatione* se exercent; quibus alter intensior motus corporis non modo in *molestiam*, sed & ob *insuetudinem* in onus ac præjudicium cedit: Et hæ nonnullæ *generales* qualitates sunt, quæ quibusdam sanis hominibus *comparate* noxium usum motus corporis accelerant.

§. VI.

A sanis subjectis ad *valetudinaria* accedimus, & primo loco ad homines *morbosa* & *morbifica Plethora* afflictoſ, quibus *levis*, exigua & facilis causa, *graves*, eximias & arduas commotiones provocare & impellere solet; est itaque in nonnullis subjectis ita *mobilis* ac inquieta *Plethora*, ut vel simplex athmosphæræ & *tempestatis* mutatio ad varias *molestias* conferat, unde eloquuntur, man fühle es, daß sich das Wetter ändern würde: tales personæ itaque tenentur exquisitam *temperiem* in animo, victu & potu, ac reliquo regimine observare, quam si *paululum* violaverint, subito molestas *ebullitiones* sanguinis, *congestionem* intra *caput*, *oculos*, *aures*, *pectus*, *ventriculum*, *vesicam* urinariam, *oppletiones* in *externo* habitu corporis, *ardores* in genis & volis manuum pedumque, *efflorescentias* cutis *serpiginosas*, *tubercula* *ardentia* & *prurientia*, *volaticam*, *protuberantias* *papulares*, *purpuratas* *excretiones*, *varosas* *stagnationes*, *maculas* *varias*, *biliosas*, *scarlatinas*, *cephalalgiam*, *ophthalmiam*, *tinnitum* *aurium*, *angustam*, *oppressam* & *operosam* *respirationem*, *vertiginosam* *perturbationem*, *ardorem* *ventriculi* s. *sodam*, *stranguriam* & varias alias *individuales afflictiones* experiuntur, ut ea propter *eximium*

mium *moderamen* quoad *motum* corporis servare & quieti interdum, præc. si tempeſtas *æſtuoſior* fuerit, ſi *calefacientes* cibos & potus ingeſſerint, &c. magis indulgere teneantur: Et horum ſubjectorum non æque *valde rara* exempla & ſpecimina occurrunt, quæ vulgo *ſenſibilia* & ſecundum neotericorum ſtylum euphoniae gratia, tenera, debilia, aut laxioris & *tenerioris generis nervoſi* eſſe prædicantur, aut rectius finguntur & præſumuntur, quoniam de *occultis* nec Eccleſia, nec phyſicus ſolida ratione & fundamento inſtructus, judicare poteſt, ſiquidem latentes & *occulti nervi*, non cadunt in tale liberum, promiſcuum & *frivolum* judicium medicum: quare *provocatio* ad *debile* & *tenerum genus nervoſum* nobis ut plurimum ut *aſylum* & fallacia non cauſæ videtur: & talis *volatilis* & fugitiva Plethora ſollicitis Medicis multum afflictionis, curæ & laborum cauſatur, quæ propterea ubique præſervanda, ne facile impulſum nanciſcatur, qualis a motu corporis levi ex cauſa, viciffim *citra exceſſus* commiſſionem oritur: Hiſce & talium qualitatatum Plethoricis ſociamus illos homines, qui *in ſuſpectas* & *immodicas* inclinant *Hæmorrhagias*, quibus æque paulo *alacrior* motus corporis facile ita *præjudicioſus* eſt, ut *largus* ſucceſſus illius profluvii metuendus ſit: hinc dantur homines adeo ad *narium Hæmorrhagias* proclives, ut ſi vel *mediocriter caput*, aut reliquum corpus motu exerceant, affatim tunc ſanguis denuo e naribus erumpat; id quod etiam contingit, ſi caput leniter *ad terram* ſelectant: quicumque paulo *proximior* diſpoſitionem & inclinationem ad *Hæmoptysin* habent, illis ſollicitum & accuratum regimen

men quoad *quamlibet* speciem motus corporis ordinandum est, siquidem non pauci ultimam & *actualement* Hæmoptyseos eruptionem sibi *tali* corporis motu, *haud nimio* & excedente conciliant & excitant: ea propter talibus subjectis assiduam *ambulationem*, qua non modo sanguinis progressum generatim *augent*, sed & frequentiore & *largiore* affluxum & transitum *ad* & *per* *pectus* concitant, insuper etiam *respirationem* *operosiores* inde provocant, commendare velle, & *rationi* & *usui* atque *observationi* repugnat: quibus contra *modica vectura*, præ aliis exercitationum speciebus paulo magis proficua erit: & ita tanto magis *moderamini* studere debent, quibus jam *actualis* Hæmoptysis familiaris est, in quibus sanguinis motus facile *denuo* concitatur, exæstuat indeque ad *novum* Hæmoptyseos *recursum* allicitur, præcipue si *tacite congestiones* ad pectus continuant, insuperque *haud firmiori* concretione *præviæ læsiones* ac rupturæ in pulmonibus factæ consolidatæ ob novum *pleniores*, *largiores* & *fortiores* transitum sanguinis per pulmones facile *novam dilacerationem*, eamque majorem & *ampliores* patiuntur, ut *recidivans* eruptio sanguinis impetuosior & *copiosior* existat: quare pro *solidiori* confirmatione talium læsionum omnes periti medici, inter alia *salubria* & congrua consilia & auxilia, *quietem* & tranquillitatem ordinant & injungunt: & quando aliqui hæmoptycis *peregrinationes salutiferas* prædicant, tunc hæc, nec multis, sed *paucis*, ob *motus* rationem, nec proxime circa *initiantem*, aut *continuantem* hæmoptysin, nec *brevi post* perpeffam illam, conducunt, sed respectu connexæ *mutationis aëris* ex intemperatiori atmospha-

D

mosphæra in *purior*em & convenientiorem *salubres* esse solent.

§. VII.

Prioribus annumeramus nonnullas fæminas, quæ aut a prægresso *partu*, vel *Lochiorum* & *Mensium* turbis morbosum & crebrum *profluvium cruentum uterinum*, nullo auxilio coercibile nactæ indeque *hæmorrhousæ* redditæ sunt: haud præsens nostrum institutum est *causas* hujus uterinæ hæmorrhagiæ scrutari & investigare; illud tantum indicamus, quod ita afflictæ *eximiam moderationem* quoad *quodlibet* motus corporis exercitium observare debeant, quin a *quovis*, tanto magis paululum *vegetiori* & liberaliori motu, recursus aut perniciosus ac largus successus ejusdem Hæmorrhagiæ excitetur: quare nec ambulando, nec laborando, nec flectendo, nec gestando corpus exercere & afficere, sed in *exacta continentia* & *quiete* conservare se debent: quo certo modo spectat, quando huic malo quædam fæminæ *de- ligatione* & *modica compressione* abdominis succurrere, indeque *sedatiorem* fluxum sanguinis in *utero* hujusque confiniis procurare contendunt: Quam *provide* quidam *Hæmorrhoidum* nimis crebro & largo fluxu laborantes corpus movere debeant, attentis medicis incognitum esse haud potest, quibus nec ambulatio, nec equitatio, nec vectura, nec ulla alia succutientis motus species convenit, quali motu vicissim rectius, certius & citius *difficilem, impeditum & insufficientem* Hæmorrhoidum fluxum adjuvare, augere & *promovere* possumus: sic nobis Mercator constat, qui varias ob causas immodicum Hæmorrhoidum successum obtinuit, eundemque toties excita-
vit,

vit, quoties circumspecta & moderata licet vectura, nundinas Salisburgenses & Lipsienses adire & frequentare suscepit: qualia exempla plura proferre possemus, si circumscripti laboris nostri limites permitterent: In *cruentum mictum* proni a *mediocri* etiam motu corporis indeque proveniente facili commotione *intensiori* sanguinis *novos* suæ afflictionis *insultus* experiuntur; ut propterea circa *illa tempora*, quibus hæc Hæmorrhagia ingruit, aut modo transit, *quies* magis, quam exercitatio corporis præferenda veniat: addimus hisce observationibus hanc quædamtenus connexam, quod nonnullis *vulneratis* ob suspectam & simul *latentem* læsionem notabilis sanguiferi *vasis*, quamvis prægressa *acerbior* Hæmorrhagia mitigata fuerit & substituerit, *quies* injungenda, motus vicissim corporis *interdicendus* sit, ne *sedata illa*, profusio sanguinis *recrudescat* & revocetur, dum vulnus vasis nondum firmiter concretum, facile ac cito iterum rupturam concipit: inde etiam obtingit, ut varii vulnerati propriam ob culpam, præcipue ob impatientiam, *inquietudinem* ac incongruam corporis commotionem recurrentes periculosas hæmorrhagias causentur, adeoque *huic motui* consequentem *funestum* exitum debeant: alii vicissim præmatura ac præcipiti confidentia *integre* restitutos se esse, sibi persuadent, ob *præmaturam* corporis commotionem, de qua vulgo dicunt, sie hätten sich zu frühzeitig wieder aufgemacht: æ. *novam* eamque periculosam magis, si non plane lethalem Hæmorrhagiam subeunt, quæ communi suffragio huic corporis motui tribuitur: Subinde etiam *nonnulli* interni *motus*, ad certas *Hæmorrhagias* contendentes, sed *irregularibus*, perversis ac *anomalis* qualitatibus stipati,

quando per certa temporum intervalla in *acerbiori* ac contumaciori suo *accessu* consistunt, facile iterum, utpote alia levi ac vili causa, ita etiam tali *modico* corporis motu *excitari*, invitari & *exacerbari* possunt & solent; id quod attentis & judiciosis medicis variis *intricatis* in casibus innotuit & comprobatum constat: inde illæ querelæ Diese Leute hätten sich mit einer gelinden motion helfen wollen, es wäre aber daraus nur ärger und schlimmer worden. &c. hinc provocantur affectus impetulosi & perversi congestorii, spastici, inflammatorii, febriles, rheumatici, congestorio-spastici & similes *intricati* & *complicati* alii, qui ad familiam talium *Anomalarum Hæmorrhagiarum* spectant, quæ sine tali clave ac interpretatione frustra a sanguinis impuritate, vasorum obstructione &c. derivantur, cum vitium magis in *motuum ataxia* hæreat; unde tota *doctrina ordinis* in causarum indagine ducenda, ne dein *alogias* & *asyllogistias* in reliqua explicatione & deductione committamus & cum evidenti veritatis medicæ offensione & perversione formemus.

§. VIII.

Seriem talium subjectorum *valetudinariorum*, quibus *Motus* corporis facile *nocivus* evadit, augent adhuc multa alia *variarum aliarum* qualitatum: huc itaque referimus nonnullos homines, quibus imminet *prodromis* suis adhuc *anonymus* morbus, dum quidem lecto se dicere nondum tenentur, attamen morbosam alterationem sentiunt, velut insolitam lassitudinem gravativam membrorum, capitis dolorem, stuporem, temulentiam, appetitus prostrationem, animi torporem, &c. &c. at quoniam aliqui *transitorium* hoc malum esse autumant, nec

nec consilia medica conligunt, nec vi *imminentes* morbi se mancipare & obtemperare volunt, sed vim vi pel-
lere conantur, motu corporis ac laboribus ingratum ta-
lem hostem fugare & avertere conantur, sie haben sich
dagegen hart gestellt, haben sich nicht legen und geben wol-
len, haben diesen Anfall wegarbeiten wollen: hoc ipso
vero conatu ac motu *causam* morbi ita exagitant atque
irritant, ut non modo morbus ipse *citius*, sed & *vehe-*
mentius ingruat ac invadat, *periculosioremque* gradum ac
statum assumat, quale quid interdum cum febribus be-
nignis & malignis, catarrhis, rheumatismis, spasmis,
calculis, erysipelaceis inflammationibus, anginodis af-
fectibus &c. contingit & procedit; unde non semper
ad votum & propositum succedit, ut *febricitantes* par-
oxysmum sub *intermittente* typo recurrentem, motu
avertant, daß sie sich das Fieber übergehen, id quod
quidem aliquando in *quartana* febre evenit, cujus ob-
servationis testimonium profert PECHLINUS l. c. obs.
55. p. 505. inquit *amicum novi, qui cum a quartana*
inveterata pessime haberetur, remediorum, quæ medici
manus commendaverat, pertæsus animique fidens instante
jam jam paroxysmo equo se committeret feroci, cui do-
mando cum omnes vires impendere deberet, provocata tan-
dem quatuor horarum lassitudine eo rem deduxit, ut mor-
bi vestigia penitus obliterarentur, neque deinde febris ma-
gis inquietaret, quæ tot medicaminum sudorumque impen-
dio quidem frustra sollicitata fuerat: hoc ordine allega-
mus certos affectus congestorios, rheumaticos, catarrha-
les in hominibus sensibilibus & ad vagos ac instabiles af-
fectus pronis, de calido temperamento, fluido valde &

in *orgasmos* proclivi sanguine participantibus, qui affectus, modo *eminus* accedentes, facile post *aliqualem* corporis commotionem eximie *exercerbantur*, ut *magno* gradu irruant & subjecta hæc opprimant, inde confitentur, der Fluß sey durch diese Bewegung heftiger gefallen, habe sich da und dorthin gesencket &c. unde admodum concitatur & impulsus talis affectus *gravius*, pertinacius & periculosius affligit, quin plane si antea *simplicior* extiterit, nunc *anomalæ febris* comitatum assumit, ac in *complicatum* statum convertitur, hinc conqueruntur es sey einem diese Bewegung gar übel bekommen: quid quod accidit, ut in *certis* individuis, *nonnulli* affectus in *vagum* statum inclinantes ob ejusmodi motum corporis, licet *mediocriter*, attamen illo tempore, ubi *quies* magis *proficua* fuisset, *inopportune* exercitum, in *actualem vagabundum*, erraticum, anomalum & perversum statum conjiciantur: De *tertiana* febre peritis practicis sub prudenti attentione innotescit, quas *consecutiones* motus corporis, die *recurrentis* paroxysmi susceptus, in subjectis *junioribus*, plethoricis, calidi temperamenti, sensibilibus &c. &c. involvat, wenn sie sich den paroxysmum übergehen wollen: inde enim facile *intermittens* talis febris in *continuum* & hanc quidem satis gravem, *periculosam*, vehementem, imo plane interdum *irregularem* & cum *fatali* decursu conjunctam, convertitur & transformatur: in quibus non alia causa, quam prædictus *motus* corporis accusandus venit: In *nonnullis* affectibus *biliosis* simile quid evenit, ut fluidior, mobilior & subtilior bilis *paulo largiori* copia intra duodenum effusa, tranquillius & *quietius* tractata, mitius & lenius absterfa

sterfa & evacuata fuisset, quæ vero per motum corporis ita exagitur, ut citius *latiusque* per *tenuia* diffundatur & *distribuat*ur intestina, eaque propter *arduum* affectus biliosus excitetur, colica aut diarrhæa biliosa aliaque conjunctata morbofa afflictio provocetur: quale notatu dignum specimen & exemplum nobis constat in Senatore certæ civitatis, qui proxime ante meridiem in curia sub officio consueto mediocrem indignationem expertus est, einen kleinen Amts-Eifer, prandium postea nec largum, nec incongruum assumpsit, nihilque adversi inde sensit; hic cum quarta pomeridiana hora æstivo tempore animi gratia vecturam medicam instituerit, post unius horæ transitum atrocissima colica correptus fuit, cujus causa nec in aliquem victum aut potum, sed in hunc motum conjici potuit: inde liquet, quam sæpe motus corporis certos morbos alliciat & accersat, qui sub sedatiori regimine utique averti poterint.

§. IX.

Quando porro moderata vectura nonnullis phthificis, asthmaticis, vomica & alio infarctu pulmonum, nec non pulmonum concretionem cum pleura, cordis polypo, gibbositate, alio pulmonum vitio, tophis, serophulis &c. laborantibus, utilis existit, tunc vicissim iisdem motus corporis per *ambulationem* ut plurimum valde *infernus* & præjudiciosus est, quando sub hac non modo *vires* suas *debiles*, instabiles, labilesque *intensius* cogunt, urgent & applicant, sed & sanguinem largius ad pectus convocant, pulmones majori sanguinis copia onerant, opplent & aggravant, indeque *respirationem* opero-

operosiores magisque afflictam reddunt; sed eo ipso principem horum morborum causam perquam exacerbant, adeoque hoc motu totum morbum admodum adaugent ac uberiora symptomata excitant: unde talibus subjectis ne quidem *ejusmodi* motus corporis pro *medicina* morbosæ suæ afflictionis ordinandus erit: reminiscimur hoc ordine illius consilii in affectu morbosæ pulmonum concretionis cum pleura LENTILII in *Eteodromo Mens. Aprili* p. 285. dum ait: *tolerandum igitur malum & pectoralibus temperatis, abstergentibus quoad possibile, ulterior accretio impedienda, ita sub strictiori diætâ, & MOTUS CORPORIS EVITATIONE vitam aliquamdiu fortasse, tametsi miseram, trahi posse: & quamvis PECHLINUS l. c. p. 502. 503. adstruat: quod itio vel ambulatio plusculum conferat ad sanitatem, aut quod in univèrsam ambulatio salubior sit, quam vel Equitatio, aut vectura, attamen posteriores motuum species in prædictis morbo-
sis afflictionibus, si modice exercentur, plus conferunt, ubi modica ambulatio plus officit: quotidiana enim annotatione manifestum est, quod vel leviter pulmonibus afflicti a modico coeteroquin motu corporis anhelosi, & dyspnoea correpti deprehendantur, unde tali labe affecti juvenes in addiscendis exercitiis corporis ac gymnastica arte, ne dum quidem sæpe *sciamachia*, quam JOBERTUS *Lib. de gymnasiis* c. 16. *umbratilem pugnam* nominat, qua quasi cum umbra sua i. e. nullo adversario decertant, se exercitare debent, ni eminentiora adversæ valetudinis accrementa experiri malint, quid quod porro illis subjectis, quæ ob gravem & intricatum morbum valde *extenuata* & emaciata sunt, quibus nunc nova corporis*

ro-

roboration, confirmatio & amplificatio utilis & necessaria existit, magis parcus, quam liberalis motus suadendus est, siquidem huc quadantenus quadrat, quod ARISTOTELES annotavit & indicavit, quod motus pinguedini contrarius existat: adeoque in talibus subjectis consumptionem corporis magis augeat & promoveat: huc referimus JOEPSERI in manud. ad viam long. assertum Part. I. cap. 9. p. 92. 93. moderata quies non modo est probatissimum morbis, ex immodica exercitatione nascentibus, antidotum; verum etiam plurimæ aliæ infirmitates quiete, tanquam validissima quadam Herculis clava trucidantur, ut dysenteria, lienteria, diarrhæa, reliqua alvi profluvia, a nulla re facilius, quam quiete placantur: qua etiam ratione motus CELSUS Lib. I. de medic. c. 6. dicit: quem frequenter cito alvus exercet, semper debet post cibum quiescere & neque intendere animum, neque ambulatione, utcunque etiam levi dimoveri: quiescente enim corpore natura non modo coctioni, sed etiam morborum evictioni studet: atque hoc modo causam morbificam aggrediendo, digerendo, expellendo & annihilando, alvi profluvia sistit: pleuritides & pulmonum vitia, sputum facilitando, curat: aliosque gravissimos morbos solvit, quos absque interventione, difficile, quin imo impossibile est, solvere. Scorsim ex hac observatione, quod interdum tales valedudinarii occurrant, qui vel ex prægresso affectu hypochondriaco, vel alio morbo aliaque causa valde laxam & lubricam alvum cum febre lenta, vel hectico statu, conjunctam, obtinent, quæ excretio modo remittit, modo facile iterum recurrit & quidem si inter alias causas corpus paululum movent, quibus ea propter magis tranquillitas corporis commendanda: ita aliquando anomalo statu & motu hæ-

E

mor-

morrhoidali afflicti talem *turbulentam* diarrhœam experiuntur, quæ *simili* corporis commotione *exacerbatur*, aut revocatur, quibus itaque motus ille facile *noxam* conciliat & provocat: ut propterea *alterius* conditionis & qualitatis illa diarrhoea existat, quæ referente RHODIO *Cent. I. obs. 48.* motu corporis *sedata* fuit, id quod etiam valet de illis *valetudinariis* hominibus, qui pravo *mesenterii ulcere* laborant, in quibus non modo communiter *confusa tormenta* in abdomine, sed & aliquando *purulentæ & saniosæ* fluxiones ex *alvo* & cum *urina* occurrunt, quæ singula pathemata corporis motu *invitantur & exacerbantur*; quare in talibus *abscessibus* BENIVENIUS c. 37. MARTINUS *de Morbis Mesenterii* passim impr. p. 26. *Ballonius Tom. I.* valde *providum* usum motus corporis commendant, siquidem mediante hoc, facile *abcessus commovetur* & symptomata *acerbiora* excitantur.

§. X.

Noxam porro motus corporis *facile* causatur *nonnullis calculosis*, præc. in quibus aut *asperiores*, aut *numerosiores* calculi causam afflictionis exhibent: hisce nec *vectura*, *lenior* licet, nec *equitatio*, nec *obambulatio*, corpus exercendi gratia, facile, *sæpe*, valde & *liberaliter* concedenda, sed ad præsentis calamitatis solamen *quietior* ac *sedatior* vita commendanda est: ex ejusmodi vero annotationibus vix quisquam adeo *levis præcipitisve* animi fuerit, ac si talibus subjectis *nudam*, perpetuam & *rigorofam* quietem corporis injungeremus, quæ vicissim noxam suam facile largietur: id tamen in *præsenti* etiam casu annotamus & indicamus, quod motus corporis

ris

ris facilius *comparate*, quam tranquillius vitæ genus
 damnum & mali affligentis exasperationem conciliet:
 Dantur etiam homines *juniores plethorici*, sanguine sub-
 tili & in *orgasum* prono præditi, qui sub *æstuosiori*
 tempestate modice corpus commoventes, subito valde
 molestim *stranguriam* experiuntur, quando *serum* exal-
 tatum sulphureum & falsum admodum *acre* impellitur &
 sicuti in corporis *peripheriam* copiosius ac impetuosius
 transfertur, ibique molestos *ardores*, *pruritus*, *serpignes*,
maculas hepaticas, *pustulas* &c. excitat, ita aliquando ad
vesicam urinariam rapitur & hanc æque ac ejus cervicem
moleste afficit, hincq; ad talem *ardorem* contribuit: quem-
 admodum aliquibus personis *analogæ* molestia accidit, quæ
 facilioribus & crebrioribus *congestionibus* & ebullitionibus
 sanguinis generatim, seorsim vero ad *ventriculum* tenden-
 tibus, obnoxie sunt, quæ vicissim a *modico* motu corporis
 facile talem *congestionis impetum* & *ardorem* ventriculi irri-
 tant; eaque propter utraque subjecta circa hujus motus
 exercitium admodum circumspecta esse debent: annecti-
 mus huic seriei valetudinariorum subjectorum, etiam ho-
 mines *Dysuria* afflictos, præcipue *plethoricos*, de *alacri*
 temperamento participantes, *commotionibus* sanguinis ex-
 positos & in *senectutis* periodo constitutos, qui *leviori*
 commotione corporis & qualicunque illius specie, aut et-
 iam *incitata sanguinis* commotione, vel ex simplici *sermo-*
cinatione provocata, morborum sui affectus *incitamentum*,
 augmentum ac recidivam causantur: Proinde occurrunt
 quidam homines *molesta* & inquieta sanguinis *ubertate* o-
 nerati, qui a *qualibet leviori* sanguinis commotione, aut
 ab *animi pathemate*, aut victu & potu paululum spirituo-

fo & calefaciente, aut æstuosa tempestate, aut balneis & calefactis locis, aut aliquali commotione corporis ominosæ dolorificas & vertiginosas capitis perturbationes & molestias suscipiunt, quibus propterea singularis temperies ac moderatio, quoad omnium nonnaturalium rerum usum, adeoque etiam quoad motum corporis injungi & commendari, præcipue vero variis anni temporibus & occasionibus sedatum & tranquillum vitæ genus ordinari debet, ne ipsorum valde mobilis & ad orgasticam commotionem pronissimus sanguis, in talem impetum ac inquietudinem conjiciatur; sub qua necessitate & difficultate de in moderatio, sedatio & quies sanguinis ægrius impetrari & restitui potest; unde huc Platonis effatum congruit, quod *facilius sit movere quietum, quam quietare motum*: Hunc numerum valetudinariorum, qui motu corporis facile alterantur, augent multi *Purpurati*, imprimis de calido temperamento participantes & simul *plethorici*, qui quoad usum motus corporis eximiam circumspeditionem observare debent; tales enim homines, etiam si modice corpus commoveant, facile & subito magnam sanguinis ebullitionem & exæstuationem, angustiam oppletoriam ferme totius corporis, præc. pectoris, capitis & peripheriæ, palpitationem cordis, ardorem & pruritum insignem in cute, sudores largos, augentes & molestos, spasticas tensiones in artubus, molestam vasorum sanguiferorum inflationem, de qua exclamant & quiritant: es wolte ihnen das wallende und stremmende Geblüt die Adern ausblähen und zerspringen, sensibiles dolores capitis, languorem corporis & varia alia intricata & singularia morbosorum pathematum specimina incidunt, ut ea propter

pter cum maxima temperatura corpus movere, subinde vero *quieti* sæpe inhærere, multo minus *obambulatione* se exercere debeant, quia hæc *plures vires* requirit, & nominata subiecta alias debiliora & in *præcipitem infirmitatem* plus proclivia gravius afficit, sed modica potius *vectura* uti debent, ne nimia quies & sedentaria vita iisdem alia damna & offendicula convocet.

§. XI.

Annectimus hætenus recensitis variis *morbosis Schematibus*, quæ a motu corporis facile offendi possunt, adhuc plura alia, adeoque hoc ordine reminiscimur *Herniosorum* subiectorum, præc. *Enterocèle* vel *umbilicali*, vel *inguinali*, vel *scrotali* laborantium, quibus *omnes* & singulæ rerum *non naturalium* species facile noxam afferre solent: hisce itaque non motus tantum *fortior*, sed non raro etiam *mitior* infensus existit: quare plurimi medici & chirurgi asseverant, quod *herniosis quies* conducat: hinc SORBAIT in *Medic. Pract. tr. I. c. 69. obs. 4.* ait: *plurimi ab herniis sola quiete & ligaturis liberantur*, & HILDANUS *Lib. V. obs. chirurg. 54.* testatur, *ex his (nempe ex illa relatione & commemorata historia) manifestum fit, quietem & decubitus in dorsum unicam esse Panaceam Herniarum*: & enim varix causæ in herniosis aliquando concurrere solent, vel ex *ingestis*, vel ex statu *plethorico*, vel anomalo affectu *hæmorrhoidali*, *hypochondriaco*, *hysterico* &c. ob quas etiam *levior* motus æque facile eximiam præsentis mali exacerbationem provocare potest & solet: ob id circa corporis commotionem temperantes & providi esse debent: idem etiam judicandum est de subiectis *uteri* & *anæ-*

procidentia laborantibus, quibus teste creberrima *observatione* & plurimorum *suffragio*, nec non interprete vera *ratione* motus corporis facile noxius redditur: ita ut nec frequens, liberalis & paululum auctior *ambulatio* iisdem conducat, sub qua viscera abdominis suo *pondere*, *deorsum* magis *premente*, affecta loca facilius exprimant; nec *vectura* illis facile conveniat, sub qua compressum abdomen & per vecturam simul concussum denuo grande & *efficax* incitamentum ad recursum huius procidentiae subministrat; id quod etiam de *equitatione* sentiendum & metuendum est: hinc periti medici & chirurgi sollicite monere ac dehortari sciunt, ne motu corporis huic afflictioni stimulum & calcar addant: experiuntur itaque *herniosi* & *ani procidentia* afflicti mystæ, quando ministerialibus suis officiis fungi debent, sive concionando, sive ægros visitando s. funera comitando, sive a parochia matre ad filias se conferendo, sive domesticis negotiis prospicendo, quas molestias & pericula a corporis motu contrahant & excitent: experiuntur duplo graviores & acerbiores ex *ejusmodi* corporis *morbosa* afflictione calamitates, homines, qui *labore mercedem* ac panem lucrari tenentur, quos *modicus* motus corporis facile offendit, ut conqueri teneantur, daß sie wegen ihres Leibes-Schaden sich überhaupt großer und vieler, nachmahls dieser und jener auch geringen Arbeit enthalten müsten: Addimus prioribus valetudinariis hominibus, nonnullos *strumosos* præc. *bre- viori* & *angustiori* collo præditos, simul *plethoricos*, *orgasticas* & *congestorias* sanguinis commotiones facile subeuntes, in actuales *hæmorrhagias* inclinantes, aut ad-
sue-

fuatarum spontanearum hæmorrhagiarum, ante hac *salutarium*, *suppressione* laborantes, qui ob talem morbosarum causarum & qualitatum complicationem quoad motum corporis perquam *moderati* esse debent, ni facile ominosas dolorificas & *vertiginosas* perturbationes, *anginodeas* comminationes, angustias *suffocativas* & intricatas *asthmaticas* afflictiones sub eadem motus corporis exercitatione sibi contrahant: unde iterum sæpe magis *tranquillitati* & continentiae, impr. sub æstuosa, nebulosa, turbulenta, ventosa & frigida, aut frigido-humida tempestate studere & inhærere debent: *Scabiosis*, quam diu hac infectione *acerbius* laborant, *curatorio* scopo *parcius*, *sedatius* & temperatius corpus movere debent: tanto magis sanguine *subtili* & *copioso* instructi, in hisce enim cito ac facile tota massa sanguinis exæstuat, indeque miasma illud scabiosum *intensius* impellitur, denuo *intimius* cum humorum massa permiscetur, qualitate sua *deterioratur*, firmitus & tenacius *lymphæ* innectitur, proinde in *cute* majorem & molestiorem *ardorem*, *pruritus* & congestionem causatur, adeoque totum affectus schema *exacerbat*; singula hæc afflictionum specimina in *prædictis* scabiosis motu corporis etiam *mediocri* provocari possunt & solent; quare *male* sibi *taliam* scabiosa subiecta, juxta anteindicatas circumstantias, cum corporis motu consulunt: tandem hoc ordine mentionem quasi iteratam facimus, quorundam subiectorum *calido* temperamento præditorum, *plethoricorum*, ad sanguinis repentinas & strenuas congestiones, nec non subitanea molimina hæmorrhagica dispositorum, quæ ex modica commotione & exæstuatione corporis facile

Erysi-

Erysipelaceas inflammationes, *purpuram urticatam* & *volaticam* efflorescentiam cutis suscipiunt; quare tempore sereno vernali, aut calido æstivali valde temperanter corporis motui operam dare, *relative* vero *magis* *quieti* indulgere, indeque sanguinis motum in valde *placido* circuitu conservare debent.

§. XII.

Ultimo tandem loco nonnullas peculiare annota-
tiones quoad *incongruum* & *noxium* usum & effectum
motus corporis addere placet: multum itaque refert,
quo cuilibet ætati *conveniens* motus *species* ordinetur,
ne videlicet *juniores* homines sub persuasione *roborandi*
lacertos, majorem corporis *proceritatem* ac virium præ-
stantiam impetrandi, nimis strenuos, impetuosos, nec
non repente & insigniter *enervantes* suscipiant; quare
facile teneri & graciles adolescentuli, crebra & diutur-
na *saltatione*, forti, præcipiti & vehementi equitatione,
bellicorum operum exercitatione, præcipitata venatione,
artis gladiatoriae acri & agili prosecutione, equestri lu-
dicro de palma contentione, aut hastiludio &c. sibi ardu-
os, periculosos & plane immedicabiles morbos provo-
cant; id quod etiam contingit, si debiles ac teneri ado-
lescentuli ad *operosas* aut plane cursorias *obambulationes* co-
guntur; si quidam ante prandium aut cœnam quocunque
exæstuante motum se fatigant & subinde udo & sudante,
ad minimum *fervido* capite & corpore *victum* & *potum* in-
gerunt, & tali modo subito periculosas causas morbificas,
videlicet stagnationes & *stases* humorum in *pulmonibus*
& reliquis visceribus corporis provocant: proinde
maxime nocivum illud motus corporis est exercitium,
quan-

quando *juniores* tales *sensibiles* homines urgente tempestate *æstuante*, aut *obambulatione*, aut *lusu* quodam, quamvis *mediocri* virium applicatione se exercent, nec adeo solliciti, attenti & obtemperantes sunt, ut alias causas, sub hoc statu facile *offensionem* inferentes, evitent, quare iterum ex eodem corporis motu non nisi ominosam *noxam* expectare debent: magnum etiam damnum hic motus minatur *similibus junioribus* subjectis, quando urgente *valde æstiosa* tempestate, modico licet ingressu exspatiantur, ac in *inflammata* atmosphæra quasi *cremantur* & assantur, unde non modo *pustulæ* & *vesicæ*, præcipue in facie, eximium *ardorem* inferentes efflorescunt, de quibus dicunt, es *sen Sonnen-Brand*, sed & sanguis vehementer *inturgescit*, ut superveniens afflatus ventosus, vel levis ex- & interna refrigeratio, (quo etiam potum, si non *admodum refrigerantem*, modo liberaliorem avidisque faucibus ac sitiente lingua haustum, referimus,) facile subitaneas stagnationes & stases humorum in pulmonibus, hepate, aliisque abdominis visceribus, causetur, ex in talia subjecta in subitaneas *chronicas, phthisico hecticas* & alias *valde irregulares* ægrotationes delabuntur, imo *præmaturæ ac inopinatæ* morti subiciuntur, ac demum sub *scrutinio defunctorum* intricatas vomicas, abscessus latitantes in pulmonibus, mesenterio, hepate, pancreate, Liene &c. conspectui offerunt, quæ quidem *mortis causa* sat evidens est, *morbi vero causa* in prægresso *incongruo* motu hæret: quid quod ex rationis & observationis fundamento fluit, *tales homines juniores, sensibiliores & teneriores*, quando *æstiva & fervente* tempestate *motu tali* corporis se exercent, facile, præter reliquam *sanguinis exæstuationem*, non modo *externum crassius*, sed & *internum tenerius* systema corporis, organo-

F rum

rum & vasorum valde enervare, ex *liberaliori potus & victus* ingestione *primas regiones* admodum obruere, cruditatibus opplere & febribus regularibus & *irregularibus* intermittentibus, *lentis, hecticis*, obstructionibus & infarctibus viscerum, aliisque *intricatis* morbofis afflictionibus ansam præbere: Tandem etiam indicamus, quod mitior, *lenior*, sedatior & temperatior motus corporis ita dictis *Sanguineis, Cholericis & Phlegmaticis* subjectis multas ob causas commendandus sit; nec subito concludendum est, quasi motus citatior & excitatior, *prioribus* præcipue familiaris, *baud præsentaneam* & extemporaneam noxam iisdem afferat: ubi vicissim inquirendum & annotandum erit, quam facile & sæpe *liberaliori*, si non absolute incongruo & excedente motu, eminens *nocumentum* sibi contraxerint; quibus subjectis ea propter *minor & moderatior* motus in *ordinario* sanitatis tramite ordinari, in aliis *morbosis* invasionibus pro ratione causarum ut plurimum magis *mediocris* commendari debet: Et hæc sufficiant pro præsentis instituto ac deductione, dum *valde limitatum & circumscriptum* exercitium *Motus corporis* tam in *statu integræ ac conservandæ*, quam *vacillantis ac mutabilis*, aut plane *amissæ* iterumque restituendæ sanitatis, hoc themate explicare cum Deo suscepimus: abrumpimus itaque præsentem tractationem ac iterato *providum*, nec promiscuum ac universalem usum hujus motus probamus: Deo benignissimo, perfectissimo, sapientissimo ac summo perpetuo Motori, omniumque motuum Directori humillimas gratias pro præstito auxilio, in præsentis studio ac labore, tribuimus, devotissimasque preces insinuamus, quo hisce æque ac reliquis nostris laboribus & conatibus exoptatum ac salutarem largiatur successum, usum atque FINE M.

NOBIL

NOBILISSIMO
DOMINO CANDIDATO

S. P. D.

P R Æ S E S.

MOvere & tantum commovere, nil vero promovere, inane est negotium; ut ut vero juxta *Senecam* magna vitæ pars elabatur male agentibus, aut tota aliud agentibus, ita sane vita humana solenne præsentat theatrum, in quo varii motus, variæque actiones exercentur: celebre insuperque luculentum monumentum est, quod quædam exercitatio animo & corpori proficiat, alia vero vicissim utrisque officiat: Magna datur illorum caterva, qui gloriosa jactantia motu & quod magis est contumelioso strepitu atque impetu alte sapiunt, alta capiunt, cupiunt, promittunt & altifone sentiunt; quæ ardelionum & sciolorum series in hoc mundi theatro sua exercitatione animi &

F 2 corpo-

corporis ignominiam acquirit, ac histri-
orum more vanitatem operatur: Pruden-
tiæ humanæ character est, aut ad salu-
tem movere, aut utilius quiescere: Mo-
tus, qui tantum circa cruditates munda-
nas versatur, infanus est impetus: Cocta
movere oportet, non cruda, quæ poste-
riora consultius intacta relinquenda: nec
actum agere impræsentiarum animus est;
quemadmodum laudes & encomia Motus
corporis multis documentis atque speci-
minibus medicis comprobata inclaruere.
In regno spirituali quies a laboribus exi-
mia obtinuit elogia: in regno naturali vi-
cissim sæpe quies præ motu prærogati-
vam tenet: utinam quieti mente & cor-
pore homines multis sub vicissitudinibus
rerum indulgeant, ita animi & corporis
spiritualis & naturalis vitæ famam, cele-
britatem & salubritatem acquirent: In
œconomia vitæ animalis multi contingunt
motus, quorum insalubrem effectum qui-
es emendare debet: prudentis animi sym-
bolum est, invidiosos, insidiosos ac per-
niciosos motus atque strepitus tranquilli-
tate ac sedata continentia convincere: plu-
rima

rima damna a motu proveniunt; quies non toties rerum relationes & respectus alterat violatque. In morali sensu inquietas indoles atro notata est carbone; in qua turbulenti motus noxa facile illucescit: in vitali processu tam ordinariæ, quam extraordinariæ qualitatis incongrui motuum gradus atque usus damno suo indies se produnt: nec difficile mihi fuerit demonstrare, quod major hominum numerus sub motus exercitio, quam sub quietis usu succumbat: Eximia momenta in utroque tam spirituali, quam naturali regno considerata veniunt in Motus sphæra: & plurimi tamen physicorum & medicorum ambigunt, quænam genuina Motuum sit familia. Periti Medici congrua motus corporis ordinatione sæpe plus, quam tota remediorum suppellectile efficiunt; ast vicissim liberali ejusdem commendatione sæpe tanta inferunt damna, quæ reliqua artis suppellex redintegrare, haud potis est: in utroque peccare, religioni ducere debet conscientiosus artifex: sustine & abstine! prudens est in omni foro symbolum: imo Apostolus ait: *Philip.*

IV.8. quaecunque sunt vera, quaecunque
veneranda, quaecunque iusta, quaecunque
pura, quaecunque amabilia, quaecunque
boni nominis, si qua virtus, si qua laus est,
haec reputate, aut quæ Psalmista Ps. LV.
v. 19. decantat: redemit vitam meam, ne
belligerent in me, collocans in pace, quan-
do multis copiis belligerabant, fuerunt pe-
nes me: illic laudatur, quo strenuo celeri-
que motu (jaget nach) sectemini, hic pro-
mittitur pax, quies: Sed quænam Tecum
nunc verba misceam *Nobilissime Domine*
Candidate, quem ab incunabulis novi, imo
dilexi: non una, sed plus una vice quippe
bellus & egregius juvenculorum flosculus
aureis me compellasti verbis: *Deus nobis*
est receptus & robur, auxilium in angu-
stiis præsentissimum: idcirco non timere-
mus: tunc temporis, Deo ita disponente,
orbatus fueras Genitore pio, docto, inte-
gro, aliisque virtutibus clarissimo, cujus
manes atque cineres, quippe amici quon-
dam suavissimi & ingenui, adhuc veneror:
nec me latet, quod sub dexterrima ac fide-
lissima directione *Patru Tui Spectabilis*,
quippe Parentis vices compensantis, Fau-
toris

toris mei honoratissimi, educatus omnibusve saluberrimis monitis & manu-
ductionibus enutritus fueris: a multis sane
annis spectatissimæ Tuæ familiæ probitas,
sanctaque candoris imago perspecta & ex-
plorata est, qualis patrius candor Tua pa-
riter occupavit præcordia: inest tibi indo-
les flexilis, & a fallacia, dolo & sycophan-
tia alienissima, quare aliam barbariem
astutiæ & simulationis hætenus effugisti:
Per aliquot annos in Medico curriculo
multa salutaria dogmata ex aliorum æque
ac ex meis privatis & privatissimis institu-
tionibus, hausisti, & ad ingenua mea mo-
nita pronum atque attentum Te præbui-
sti; omnia debes divinæ indulgentiæ & di-
rectioni, multa Spectabili Tuo Patruo &
lectissimæ, fidissimæ, mitissimæque Tuæ,
quæ quippe ocellum Te fovit, Matri; Ti-
bi huc usque Deus auxilium fuit præsen-
tissimum: nec ullus dubito, quin pio ac
devoto animo agnoveris opulentiam Gra-
tiæ Dei ejusque benignitatem, quæ fuit
erga Te in Christo Jesu *Eph. II. v. 7.* Et
dum nunc ad vitæ Academicæ eventum
contendis, pia Tibi vota acclamo; Faxit ea-
dem

dem cœlestis clementia, ut temporales hi honores, quibus Te Medica exornat Facultas, in gloriam Summi rerum humanarum Moderatoris, Agnatorum desideratissimum solatium & propriam Tuam salubritatem cedant: Age itaque & plus ultra in omnibus salutiferis scientiis proficere perge, nec manum ab aratro ducere cogita, quin rectius nunc strenue Te in omni, quod Deo & hominibus perplacet, exercere, intende: Sequere patria & patrua vestigia, nec unquam deflece; Protegat Te, Tuosque illa alma benedictio, indiesve novis Vos cœlestis gratiæ accrementis beet; ante omnia omnis sapientiæ ac terrenæ cœlestisque prosperitatis initium timorem Domini esse, haud obliviscere, sic Tibi Deus semper erit receptus ac robur, auxilium in angustiis præsentissimum, ac percutiet alma sua manu dextra alienos infelices successus, mundique calamitates: ut haud alienis lubricis gratiis indigeas. Sic voveo! ita spero. Vale. Dab. Halæ Magdeb. III. Nonar. Martias A. O. R. cl̄o l̄cccxxxiv.

Viro